

四庫全書

史部

欽定四庫全書

皇朝通志卷一百二十五

昆蟲草木畧一

臣等謹按鄭樵通志殿以昆蟲草木畧分為八類
專採名物志爾雅補註本草疏積數年之勤而始
成書然而蒐羅未廣攷證未確往往絀漏舛訛名
目牽混臣等奉

命續纂通志廣徵博引叅稽衆說缺者補之外訛牽混

者釐辨之然亦僅就五朝所隸方域版圖書冊記載可攷者彙集增訂若夫天地網緼化醇草木之變蕃羽毛鱗介昆蟲之亭毓知必有應

昌期景運而日新不已者我

朝深仁厚澤百數十年來

帝德之廣運

皇猷之允塞固已阜百昌而昭大美矣我

皇上乘乾御宇聲教四訖隸版章奉正朔者環大瀛數

萬里海涵山負動植飛潛莫不含濡

聖澤乘時茂育凡奇葩異卉珍禽靈獸錦鱗文介載諸
圖史或古無而今有或名同而實異咸仰

列聖格致精詳寵題篇什伏讀我

皇上御製文集詩集

天章炳煥釐正品類雖在微物亦必使辨形析理昭信
來茲焉至於臣下扈從奉

使身履目擊登諸鉛槧皆可旁收而兼採之猗歟盛

哉因地考宜足徵為衆庶福應

邳治綏來之實蹟非僅如木禾火鼠前古圖經以耳
食傳疑侈陳荒怪者所可比倫萬一也謹詳稽典
冊創見之物用仿鄭例分載於篇以資博覽云

草類

萬年花草本小朶如盞一莖百朶色粉紅而有紅
絲雖久乾枯顏色不變仰蒙

聖祖御賜嘉名見

佩文齋廣羣芳譜

藍雀花花如雀有身有翼有尾有黃心如兩目曾
經

聖祖御製題詠見

佩文齋廣羣芳譜

金蓮花

佩文齋廣羣芳譜曰出山西五臺山塞外尤多花色
金黃七瓣兩層若蓮而小六月盛開至秋花乾而

不落仰蒙

聖祖賜名賦詠並荷

天藻親題

晚香玉種出西域今

京師多種之花如白玉簪入晚更香

聖祖賜以今名並荷

天藻題詠

人獲三桠五葉間成人形產遼陽深山中為醫經

上品蓋神臯鍾毓厥草効靈實

王氣悠長之徵吉林寧古塔等地所產其品已為稍遜至所稱上黨參直同凡卉矣疊荷

奎章題詠

知時草產西洋名僧息底幹譯漢音為知時也貢使攜種以至歷夏秋而榮以手撫之則眠踰刻而起花葉皆然其起眠之候在午前為時五分午後為時十分實為遐方異卉仰經

審題

箭草有刺著人衣難去仰經

審題

默克爾草實名生漠北野鼠每取藏穴中以為食
喀爾喀窮乏之人多有掘得之以充饑然必留少
許穴中不欲盡絕其糧恭繹

御製讀蘇武傳注闕漢書張宴注謂蘇武取鼠並草實
而食之之謬使千古訛傳一旦發蒙振聵即師古

是蘇林之說以為取草實而食之亦所載未詳蓋其時為方隅所限局於耳目故也

德呼蘇草塞外叢生葱翠挺拔經霜則變而為白見

佩文齋廣羣芳譜

蝎子草產塞外高四五尺叢生亂草間其葉有毒蒙古謂哈拉亥見

佩文齋廣羣芳譜

金絲桃塞外徧地叢生六七月花開五瓣如桃而
長色鵝黃心微綠一苞出五花開則五花齊放如
黃金然見

佩文齋廣羣芳譜

黃花一朶四瓣合抱如金盞其色鵝黃出汗特穆
爾嶺以北經霜顏色愈鮮明見

佩文齋廣羣芳譜

馬蹄蘭產塞外葉劍樣如蘭堅韌不可斷花翠色

可愛秋則結苞成子見

佩文齋廣羣芳譜

地堪花青紫色花瓣如葵一花八九瓣徑二寸許
瓣落盡則花心結子見

佩文齋廣羣芳譜

翠蛾眉花翠色隨日側映鮮妍有致見

佩文齋廣羣芳譜

鹿葱色類萱鹿喜食之故名

佩文齋廣羣芳譜謂嵇含以宜男花為鹿葱則古人以鹿葱為萱花實一類而二種

紅姑娘叢生塞外山谷間結子成苞四瓣如鈴中含丹實狀如火齊亦呼豆艸兒見

佩文齋廣羣芳譜

高麗牡丹藤花而牡丹葉與洛種異見日下舊聞考

扁擔草似黍葉稍窄有穗有粒多生田中見

佩文齋廣羣芳譜及

盛京通志

嬌草似香蒲可以飼馬見

佩文齋廣羣芳譜及

盛京通志

馬房節節相生無葉可以飼馬見

佩文齋廣羣芳譜及

盛京通志

星星草葉如韭有穗星星故名見

佩文齋廣羣芳譜及

盛京通志

黃背草層層有節細葉乾之可代茅結屋見

佩文齋廣羣芳譜及

盛京通志

鳳尾草葉莖如鳳尾多生山陰近水處見

佩文齋廣羣芳譜及

盛京通志

姓草可治木器見

盛京通志

羊草生山原間可飼牛羊西北邊謂之羊鬍草長尺許莖末圓勁如松針黝色油潤飼馬肥澤見

盛京通志

狼尾草又有馬尾草俱以形相似而名見

盛京通志

塔子頭窪地叢生其根裹土壅如小塔見

盛京通志

草芙蓉葉細如皂莢花開同菊瓣見

盛京通志

日奇花類蝴蝶花而小一莖十數花辰收申放數
必奇故名黑龍江出見

盛京通志

高麗菊產朝鮮枝葉類萬年菊單瓣色赤黃相間

見

盛京通志

雀兒花黑龍江諸境有之色翡翠似鴛鴦菊而單
蒂跗橫枝上如鳥之翔見

盛京通志

老鸛嘴蔓生枝間結角形如鸛嘴入藥治風見

盛京通志

烟草本名淡巴菰亦稱為烟酒隴旁隙地多種之

葉肥大至徑尺食之禦寒見

盛京通志

貓兒眼草葉紋如貓兒眼故名見

盛京通志

明開夜合產塞外山中結實累累色映紅狀如秋
海棠中含紅珠晨放暮斂故名見熱河志

烏拉草生塞外細軟而暖可以絮鞋見熱河志

烏蘭齊克草本高三五尺葉形尖細有微毛花

五瓣有深紅淺紅兩種出準噶爾部見西域圖志
察罕齊齊克草名出準噶爾部花五瓣色白葉小
而圓本高尺餘見西域圖志

庫克齊齊克草本色綠花狀如梅準噶爾部所生
見西域圖志

哈喇庫克齊齊克草本色深碧似翠翹準噶爾部
所生見西域圖志

哈特草本高三四尺葉小圓而頭歧花五瓣小如

豆色白結小實如枸杞子產準噶爾部見西域圖志

羊刺草上生刺蜜味甚甘美準噶爾部多有之見西域圖志

葉斯穆克草名產回部沿地蔓為藤花紅白子細而扁圓見西域圖志

克頗斯草實如繭中有絲如細纒回部人取織為布見西域圖志

火草產武定府麥岔蠻地見

皇朝職貢圖

名護蘭葉短而厚與桂葉同大僅如指三四月開
花一箭八九朵攢開香清越勝蘭出南海名護嶽
巖石間見臣徐葆光中山傳信錄

捧蘭產琉球國狀如珊瑚樹綠色無葉花從極間
出似蘭較小見臣徐葆光中山傳信錄

野牡丹種出南海太平山上名什花葉如牡丹無

異二三月花開作叢累累如鈴鐸素瓣紫暈檀心如碗大極芳烈見臣徐葆光中山傳信錄

山蘇花一名猿莖花無花無幹出土長不及尺葉如蕉而小堅厚有紋出琉球國見臣徐葆光中山傳信錄

雷山花產琉球國土名吉茄葉如鐵梗海棠花如牽牛花差小鴉翠色四五月開至十一月結子如豆見臣徐葆光中山傳信錄

蔬類

天花出五臺山生於古樹嫩則色青為茵可食老則色絳為芝可作屏疊經

睿詠

龍葵葉似酸漿子大如珠或赤或黑世以此當苦菜乃大誤也伏讀

御製月令七十二候苦菜秀詩釐辨品彙洵足正千古訛傳

番薯有紅白二種性宜沙土蔓生蔽野人以為糧
本出琉球國閩地今亦有之我

皇上時切民依

特命中州等地給種教藝俾佐粒食自此廣布蕃滋仰
見

子惠黎元之至意

苦益菜產盤山澗中似野菊有浮毛三月間採以
為食見盤山志日下舊聞考

豆苗菜產盤山叢生似豆苗山家採食之作羹極鮮美見盤山志及日下舊聞考

蘑菇亦作蔭菰菌之屬中土絕重之呼曰口蘑生於榆者為榆蘑生於榛者為榛蘑見

盛京通志

夸蘭蘑菇生齊齊哈爾城東草地內七月入市夸蘭者檀廬椴木之周遭也木氣入土生蘑故名見盛京通志

龍芽菜有二種樹龍牙葉似椿而大採其初生者
可食地龍芽葉亦相似見

佩文齋廣羣芳譜及

盛京通志

杏葉菜葉似杏可食見

佩文齋廣羣芳譜及

盛京通志

歪脖菜葉圓而大其梗至頂稍彎故名見

佩文齋廣羣芳譜及

盛京通志

灰藿俗名灰條菜見

盛京通志

攪瓜形類倭瓜而小內生筋絲醬醃蜜餞皆宜食
時以筋攪取出之似縷切者見

盛京通志

步連菜生野中類苦菜葉微大葉如筋見

盛京通志

山兒菜似菠薐而高大葉圓鮮可茹見

盛京通志

河白菜生近水田可采食見

盛京通志

海蘊葉似亂絲又有海藻色黑如髮見

盛京通志

海帶似海藻而粗俗呼海白菜見

盛京通志

俄羅斯松一名老鎗菜抽臺如萵苣高二尺許葉
出層層其末層葉葉相抱如毬畧似安菰見

盛京通志

地螺菜名形如小螺鹽漬可食見熱河志

松吉納葱名出準噶爾部根大而穗青高二尺見
西域圖志

達爾吉爾小蒜也準噶爾部所產根甚小苗可三

四寸見西域圖志

薩喇納野蒜名出準噶爾部高尺餘色青獨莖頂
結小花其根有黃白二種味淡可作羹見西域圖
志

稻粱類

早御稻米色微紅較長味甘香六月早熟見

聖祖御製幾暇格物編

臣等謹按

豐澤園中有水田數區布玉田穀種至九月始刈獲
登場我

聖祖仁皇帝軫念民依幾餘省稼一日循行阡陌時方六
月下旬穀穗方穎忽見一科高出衆稻之上實已
堅好因收藏其種

命待來歲驗其成熟早否至期果先熟從此生生不已歲
取千百以其生自

苑田故

賜名御稻並頒給其種於江浙督撫令民間種之今廣被
炎方一歲兩熟實為天降嘉種謹誌於此

沙蓬米枝葉叢生米似胡麻而小凡沙地皆生之
鄂爾多斯所產尤多恭繹

聖祖御製幾暇格物編向來食之者少我

聖祖仁皇帝屢念稼穡親辨嘉種性可宜人自此播植流

傳利賴羣生謹誌於此

烏拉白粟米莖幹葉穗較他種倍大熟亦先時初

生於烏拉樹孔中土人以其種來獻遂流布日廣
見

聖祖御製幾暇格物編

黑龍江麥種最佳色潔白性復宜人相傳其種自
俄羅斯來見

聖祖御製幾暇格物編

石窩稻色白粒痛味極香美以為飯雖盛暑經數
宿不餲產直隸房山縣見日下舊聞考

西番穀苗高如蜀黍穗如蒲奉天等處產見

盛京通志

高麗穀大紅色如雞冠高丈許實如栟櫚子亦奉天等處所產見

盛京通志

穠麥產黑龍江呼鈴鎗麥見

盛京通志

杭稗味甘滑如杭亦黑龍江產土人以為杭所化

見

盛京通志

圖圖爾噶準噶爾部所產稻名米不甚黏見西域
圖志

香米產鳳山縣放線等社熟番地見

皇朝職貢圖

木類

瑞樹產長白山自頂至根合十餘丈大數百圍上

分十有二大枝莖葉各異具松檜白楊遮勒穆期
紫樺白樺密克特白榆八種並生靈芝其上萬木
環衛如星拱北實非大椿八千歲為春秋所可比
倫恭繹

御製歌詠徵祥紀實用昭神臯鍾秀開我
國家萬年有道之基

夜亮木生塞外山中枯木根入土千歲煜有光晶
置之暗室可以燭物仰經

聖祖御題並荷

天章賦詠

香片梅種初出會稽伏讀

御題王冕畫梅詩以名花新品蒙入

奎章藻詠實可補羣芳之所未備

查克其樹無皮當枝葉青翠時著火即燃燒時有
馱而無烟與炭相似瀚海一帶多有之見

聖祖御製幾暇格物編

扎卜扎雅木出西藏草根結成者製以為梳可解
諸毒仰荷

御題

烏呼音噶克察克徹默多獨樹名出哈薩克西北
其上五枝廣可蔽二百騎仰經

御題

達蘭海拉遜產塞上其皮可製為筆筒戍邊者迴
或以此獻仰荷

御題具見綏柔絕域之至意

六稜木枝葉皆六稜見

盛京通志

鸞枝花木本枝葉俱似桃葉有刻缺三月附枝開
花或著樹身瓣多而圓深紅色見

佩文齋廣羣芳譜

黃蒿松松枝葉如蒿生寧古塔石甸之上他處所
無見

盛京通志

伊奇松生吉林北伊奇甸子質瘦勁少枝葉因所
生地而名見

盛京通志

香樹莖直叢生花黃出長白山可取以作香生近
石崖者有節名竹節香見

盛京通志

花柜柳質堅緻蠟蟲食之一名蠟條見

盛京通志

老鸛眼一名鼠李木堅緻有花紋子赤黑如鴉眼

見

盛京通志

東瓜木似柅柳皮色青質堅中為硯材見

盛京通志

構櫛樹其葉似櫛可以飼蠶今朝陽縣土默特山
中有之見熱河志

曬樹塞外樹名其花黃產山中見熱河志

六道木生塞外幹有紋六道細如線而界畫甚勻
見熱河志

呼遜樹名產準噶爾部形如樺其方苞可為木椀
其油可以燃燈見西域圖志

察爾察樹名形似山茶其葉可以代茶產準噶爾
部所產見西域圖志

呀喇菩葉亦對節生白花似梅十一二月實又號

君子樹生琉球國見臣徐葆光中山傳信錄

古巴梯斯琉球國產樹高二三丈葉大如柿花五
椹八九月實如青果而少扁味香甘閩中亦有之
名戊土見臣徐葆光中山傳信錄

右納樹高三四丈葉似白桐夏季開花黃瓣檀心
琉球國產見臣徐葆光中山傳信錄

梯姑樹高七八丈大者合數圍葉抽作品字形四
月開花朱紅色長尺二三寸如紫木筆吐鯁高麗

種出海外太平山見臣徐葆光中山傳信錄

悉達慈姑產琉球國樹高丈許葉類桃子如葡萄
穗累累深藍色名慈姑奶不可食見臣徐葆光中

山傳信錄

皇朝通志卷一百二十五

欽定四庫全書

皇朝通志卷一百二十六

昆蟲草木畧二

果類

草荔枝叢生朱顆味甘似普盤而無子內地所無
惟塞外興安及烏拉有之

聖祖命移植避暑山莊

錫以今名較之閩貢蠲渴生津未易伯仲並蒙

奎藻題詠

普盤木本叢生結朱實味甘酸畧似楊梅本草以
為卽覆盆誤也見

聖祖御製幾暇格物編

櫻額亦名稠梨子叢生結實形如黑葡萄而差小
至秋熟可食味甘澁見

聖祖御製幾暇格物編

倒弔果俗名弔搭果形如山梨而小其花實皆下

垂故名熟時可食其味酢遵化州沿邊有之見

聖祖御製幾暇格物編

哈密瓜體甚鉅長尺許兩端皆銳味較內地甘美
可曬為脯芳鮮歷久不變自哈密臣服以來每歲
常充供獻中土始嘗此味前此所未有也見

聖祖御製幾暇格物編

土魯番西瓜土魯番在哈密之西其地產西瓜最
佳每熟時人往摘瓜必相戒勿語若一聞人聲則

盡折裂無完者見

聖祖御製幾暇格物編

西域葡萄種類不一自我

朝式廊疆宇康熙間哈密等地咸隸版章因悉得其
種植諸

苑籜結實有白者紫者長如馬乳者又有一種大中
間有小者名公領孫又有一種小者名瑣瑣葡萄
味俱極甘美見

聖祖御製幾暇格物編

哈果出肅州及寧夏邊外回部呼為哈特枝葉叢
生不甚高大其皮可以飾箭溜矢把結實似野葡
萄而小有赤黑二色秋深乃熟邊人採以熬膏成
皮如油紙名菓煨皮本草注曰菓單以楸子為之
不知楸子特黃色一種其有紅黑二色者乃哈果
所成也伏讀

聖祖御製幾暇格物編辨定名類實可補圖經之所未備

北天竺叢生塞山絕壁結實累累色正赤類南天
竺子

皇上賜名曰北天竺並蒙

奎章題詠

烏沙爾齊樹生塞外高數尺秋結紅果一枝累累
千百顆狀如櫻桃而小可食其味甘酸仰經

睿題

奇實密實綠葡萄也結實無子本布哈爾種西域

平定後自回部移植

禁苑伏讀

御製天章具見懷方綏遠之徵

阿克蘇桑椹結實寸許甘美遠踰腹地自平定回
部後移根

上苑魁碩一如西域仰經

睿題

溫普產遼陽山中形似櫨味甘而酢或借榲桲二

字書之恭繹

御製詩引釐辨精詳始知榲桲為梨別種與溫普不相類向皆沿襲舛謬也

烏拉納塞外紅果烏拉一帶之地尤多實似櫻桃而大味甘酸見

佩文齋廣羣芳譜

枸橐子色紅而實小味甘酸俗呼為狗嬭子見

佩文齋廣羣芳譜及

盛京通志

法法哈實如小杏味酸甜寧古塔所出見

佩文齋廣羣芳譜及

盛京通志

密蘇呼實哈樹連綴而上實類櫻桃味甘酸出吉

林寧古塔一名烏察拉齊見

佩文齋廣羣芳譜及

盛京通志

歐李子柔條叢生高二尺許花碎白實如小李味酸澁寧古塔愛渾皆有之見

盛京通志

杜實產愛渾小而赤似桑果味酸見

盛京通志

伊勒哈穆克出寧古塔果生草莖色紅味甘置器中少刻成水一名桃花水見

盛京通志

巴欖仁果名出灤平見熱河志

哆囉蜜山果產陸川縣山子猺地見

皇朝職貢圖

阿坦呢產琉球國葉長旁有刺開花者為男木花
白若蓮瓣女木無花結實大如瓜粵東亦有之名
鳳梨見臣徐葆光中山傳信錄

楮子南海姑米等山生之一名芝子如橡栗而小
見臣徐葆光中山傳信錄

蟲類

臣等謹按鄭志合蟲魚為一部續纂通志仿爾雅釋蟲釋魚分為二部今仍前例以歸畫一云

榛蝮周禮蝮氏及月令螻蝮鳴注皆以蝮為蛙今塞外所產榛蝮則係絡緯蟋蟀之類善以翼鳴土人呼為叫蝮蝮伏誦

御製鴻章正名辨物永垂格致之經而解千古之惑
塞蟬產關外較內地者大而音直蒙古名之曰緋

爾齊仰經

聖藻題詠

山蠶一名樗繭海州蓋平復州人放之樗柞等樹
春秋收繭見

盛京通志

馬陸塞外深山叢樹中有之斷之能行觸之則捲
見

盛京通志

摩該蛇名生水中渾身有金點準噶爾部所生見
西域圖志

塞蝶生沙漠黑質黃駁時來草間見臣高士奇扈
從錄

塞螢極大光可燭三尺許見臣查慎行考收集
雲虎生塞外山中長四寸許頭以下如翡翠有紋
如魚鱗尾作金色吐氣為雲故名見臣查慎行考
收集

魚類

達法哈魚八月自海入江積數至衆或有履魚背而渡者寧古塔黑龍江土人取魚炙腊積以為糧見

聖祖御製幾暇格物編

瀚海螺蚌甲瀚海一望斥鹵無溪澗山谷而沙中往往見螺蚌甲蓋其先皆津國也伏讀

聖祖御製幾暇格物編由委推原燭見古來西北本係水

區非即沙磧實發前史所未言

箬漠鮮出口外溪澗中狀似鱸細鱗重唇身有黑斑伊遜河所產尤多蒙古謂之濟伯格仰經

宸翰題詠

哲魯魚似鱸色黑出寧古塔黑龍江見

盛京通志

倒鱗魚鱗皆倒生或言龍種也見

盛京通志

海青魚出寧海州其至海水有聲去則水激如箭
見

盛京通志

竹魚翠色如竹出黑龍混同兩江見

盛京通志

雷魚雷多則生出黑龍混同兩江見

盛京通志

海獺或名海豹打牲者納皮於官用飾鞞轡見

盛京通志

海狗出東海及寧古塔土人跳冰取之見

盛京通志

秋生子魚出蓋平清河形類白漂見

盛京通志

偏口魚背青腹白形扁而薄扁行水中海中惟此

先至雁魚次之故諺云先偏後雁見

盛京通志

奇爾富魚產黑龍江見

盛京通志

烏庫哩魚四五月自海迎水入江寧古塔出見

盛京通志

勾星魚黑龍江出鱗斑然如列星見

盛京通志

滑子魚長五寸許形狹而修產平泉州山溪中見

熱河志

蟲魚一名大口魚大盈尺許銳口細鱗產塞外山溪中見熱河志

奇勒必無鱗魚出額爾齊斯郭勒見西域圖志
易里木魚長一二尺有通骨嘴甚大而無刺出準噶爾部見西域圖志

納和魚長二三尺腹甚匾而濶多腴準噶爾部所出見西域圖志

魯赫依魚名出回部無鱗口圓身微匾大者可七

八尺見西域圖志

毛魚細小外視似腐咀嚼有味閩人皆重之為珍品見臣徐葆光中山傳信錄

針魚產南海頭戴針形見臣徐葆光中山傳信錄

靴魚頭長如靴出南海見臣徐葆光中山傳信錄

石鮓首圓下生八手無腳生南海見臣徐葆光中

山傳信錄

海膽背生刺如蝟蠕之能運行出南海見臣徐葆

光中山傳信錄

壁虎魚出南海螺殼上生五六爪形如壁虎故名
見臣徐葆光中山傳信錄

桅螺殼尖出如桅生刺滿之產南海見臣徐葆光
中山傳信錄

墨魚產海外姑米山形小聚浮海面見臣徐葆光
中山傳信錄

禽類

海東青鷹屬形較小能飛入雲擒天鷲寧古塔黑
龍江所出向以小而鷲者為隼今無其名伏讀

御製月令七十二候鷹始擊詩按語釐辨名類實可正
古來禽經之訛

白海青西域霍罕汗所進實為鷲鳥之英恭讀

睿題不獨徵遐方之瑞而綏柔絕域荒服來庭足見從
古所未有

鷲鷲爾出伊犁色正黝尾中散白點如雪糝赤睛

黃匡翎駢半雉扇伏誦

天章仰見殊方瑞產實為綏遠所徵也

白鷹喀爾喀貝勒阿約爾所進霍罕額爾德尼伯
克及土爾扈特貝子錫喇扣肯亦相繼來獻恭繹
御製題詠尤見懷柔荒服之至意

白鵲產海上毛色獨異實為鷺鳥中之最俊者仰
經

睿題

額摩鳥出喙拉巴在佛郎機一名素格爾高五尺
餘自頂至頸皆無毛惟腦後短毛甚稀頭綠頸翠
其連背處及喙皆紅紫色喙下垂贅肉兩片嘴畧
同他鳥嘴兩孔為鼻其目正圓外黃暈翅藏兩脇
毛下甚小有大管五排次如指而無長翎不能飛
騰足三趾無距爪紅毛人言無舌無翅驗之皆不
足信仰荷

奎章題詠

火鷄產塞外山中黑身白尾紅冠赤足曾經

睿題

千里紅頂有紅毛喜食蘇子俗呼蘇雀黑龍江稱
老鎗雀出俄羅斯地雪後即來羣飛入海見

盛京通志

山畫眉善鳴塞外所產與他處不殊獨以卵珍大
僅如蓮子綠如松石亦有白色及斑褐文者土人
銘蠟實其中以爲簪珥之飾鬻於關內見熱河志

沙燕北海燕畧大產於大漠見臣高士奇扈從錄
古哈魯金黃毛羽長嘴短尾四月鳴出琉球國見

臣徐葆光中山傳信錄

麻石翅羽綠色白眉九月來產琉球國見臣徐葆

光中山傳信錄

烏鳳一名王母鳥四月來南海諸島多有之見臣

徐葆光中山傳信錄

容蕊翅灰褐色黑頭八月來見臣徐葆光中山傳

信錄

石求讀出琉球國毛羽似雀十月來春乃鳴見臣
徐葆光中山傳信錄

莫讀吏琉球國產綠毛十月來見臣徐葆光中山
傳信錄

獸類

沁達罕兔類也形倍大肉味鮮潔春夏時毛色與
兔畧同至秋末冬初則變白如雪產於興安如索

約爾濟地方見

聖祖御製幾暇格物編

青馬種從海中來其性最良見

聖祖御製幾暇格物編

鼯鼠產俄羅斯近海地亦名摩門橐窪形似鼠而
身大如象穴地以行見風日即斃其骨類象牙可
製器物其肉性甚寒食之已熱見

聖祖御製幾暇格物編

飛狐銳頭缺口耳小尾長似狐有肉翅連四足及尾
能飛產於口外密林中今山陝有飛狐嶺飛狐口
當時必以物產得名而名勝志曰有狐食五粒松
子遂成飛仙其說荒誕皆因未知天下有所謂飛
狐也伏讀

聖祖御製幾暇格物編徵名考實洵足為千古傳信也

飛鼠首及尾皆似鼠翅與飛狐同產口外見

聖祖御製幾暇格物編

堪達漢產黑龍江沮洳地似鹿而大色蒼黑項下有肉囊大者至千餘斤其角可作射鞬色最堅白環以黑章一綫即角中之通理其蹄能驅風疾世人貴之見

聖祖御製幾暇格物編並荷

奎章題詠

瑞鹿康熙四十八年

聖祖秋獮行圍於巴顏陀羅海所獲其角長七尺有九寸

又之數十有六鹿角自兩叉六叉四叉以至八叉
歷數十年而後成其踰八叉者不可辨其年歲蓋
千萬中一遇因藏之武庫以見山靈獻瑞伏讀

皇上御製記闡揚

前烈並示詰戎講武爽褰無忘之至意

馴鹿東海鄂羅春奇稜部所產牝亦有角與常鹿
稍異勝負載似牛堪乘騎似馬依媚於人仰經

奎藻題詠

瑞麇乾隆十六年

秋獮塞上蒙古台吉必力滾達賴以此來獻色純白
晴如丹砂抱朴子稱鹿壽滿五百歲則色白壬申
歲又於巴顏河落圍中生致一白麇性特馴擾亦
周陸所僅見也俱仰邀

天章題詠

野羸產沙磧中耳最長蒙古語謂耳為奇勤故以
名之恭繹

睿題並正史遷單于乘羸之謬乃知前史好奇不足為
信詞也

野鼠漠北多有之蒙古名曰鄂和托納每取草實
藏穴中以為食漢書蘇武傳張宴注謂武取鼠並
草實而食之劉攽又以為北方野鼠之類甚多皆
可食實為舛謬恭繹

御製讀蘇武傳注闢而論之足破前史耳食之訛

野馬產阿爾台山蒙古名之曰塔奇亦經

睿題

青羊羊有青者南人所罕見今塞上多有之善走
屨屨間為山羊之一種仰荷

睿題

安塔哈即野駱駝也似驢而差小項下垂癭毛產
朔北野馬川見曰下舊聞考

波斯猫形極大今京師皆產之見曰下舊聞考

拂菻狗較常狗倍小今為京師土產見曰下舊聞

考

猯獠孫類野狸而大白花色小者曰舒倫出索倫


見

盛京通志

跳兔產於沙漠前足纔寸許後足幾一尺行則用
後足跳一躍數尺止則蹶然仆地見臣高士奇扈
從錄

金虎形似鼠而最小性靈警產瀚海北克魯倫河

外伺雁宿沙中則躍伏雁頸雁驚起繞空而飛鼠
堅伏吮其血血盡雁墮地因並食其肉故以虎名
之見臣高士奇扈從錄



皇朝通志卷一百二十六